

# جریدہ علیمیہ

مشیت جلیلہ، اسلامیہ نمک، جریدہ، رسمیه سید

غرہ شعبان سنہ ۱۳۳۲

عدو : ۶

آبدہ بر نشر اولنور

برنجی سنہ

هیئت مواجیه سنده صرف، نحو، منطق، معانی، بیان، وضع، کلام، اصول حدیث، اصول فقه، و آداب دین شفاهی اوله رق اجراسی مقرر بولان اشبو امتحانه کړک درسعادتده کړک طشرده اجازتنامه آلا نلر اشتراک ایده بیله جک و نتیجه مسابقه ده ابراز اهلیت و رجحان ایدن اون بش افندی به درعقب استانبول رؤسی اعطا ایدیله جکدر . بو امتحانک صورت اجراسنده کی جدیت و نتیجه سندن منتظر اولان نفع و فائده اعتباریله اشتراک آرزو سنده بولنانلرک وقت و زمانیه حاضرله بیلملری ایچون شمدیدن حصول اطلاعاتی مقتضی کورلیدیکندن شروط محرره دائره سنده اشتراک طلبنده بولنه جقلرک تذکره عثمانیه لریخی مستصجاباً محرم ابتداسنده استانبولده بولملری ایچون ایجاب حالک اجراسنه توسل بیورلسی سیاقده تذکره خلوصوری ترقیم قلندی .

### نصب و تعیین

مأمورین قلمی اوچنجی صنف کتبه سندن احمد شا کر افدینک وقوع استعفا سنه مبنی یرینه قلم مذکور دردنجی صنف کتبه سندن مصطفی کمال الدین افندی و آنک یرینه یازیددرساملرندن و مکتب حقوق مآذونلرندن احمد لطفی افندیلر ترفیعاً تعیین قلمشدر .

\*  
\* \*

ایچ ایل مدرسلکنه علاوه مأموریت اوله رق لواء مذکور مفتیسی شا کر افندی تعیین قلمشدر .

\*  
\* \*

بیت المال میز لکنه نقود موقوفه مدیریتی برنجی صنف کتبه سندن مظهر بک ترفیعاً تعیین اولمشدر .

\*  
\* \*

درس وکالت علییه قلمی اوچنجی صنف کتبه سندن قلم مذکور دردنجی صنف کتبه سندن عبدالقادر و یرینه ملغا توزیع تخصصات قلمی کتبه سابقه سندن کمال افندی تعیین قلمشدر .

\*  
\* \*

دارالخلافه العلیه قاضیلکی کتبه سندن جمال افندی درس وکالت علییه قلمنده انحلال ایدن اوچنجی صنف کتبه تعیین ایداشدر .

\*  
\* \*

دارالخلافه العليه قاضيلکي قلمنده انحلال ايدن ايکنجي صنف کتابة مکتوبی  
مشيخت عليا قلمی ايکنجي صنف خلفاسندن احمد حمدی و آنک يرينه قلم مذکور خلفاسندن  
ودارالفنون حقوق شعبه سی مأذونلرندن محمد صفی الدين و آنک يرينه دائرة فتوا پناهی  
ترجانی عبدالاحد داود بک و افديلر ترفیعاً تعیین قلمشدر.

\*  
\*\*

محاسبات علمیه مدیریتي برنجی صنف کتبه سندن جواد افدينک عزلیله يرينه مخصصات  
ذاتیه مدیریتي برنجی صنف کتبه سندن و دارالفنون حقوق شعبه سی مأذونلرندن صالح  
بک نقل و تعیین اولمشدر.

\*  
\*\*

درس و کالتی دردنجی صنف کتبه سندن کمال افندی ترک وظیفه ایلايکندن يرينه  
مخلفات عمومیه قساملخی موظف ملازملرندن عزت افندی تعیین قلمشدر.

### کتاب الماخضر والسجلات

«اعلامات شرعيه نك امر تنظيمنده نظره آلمسی مقتضى خصوصاته دائر وصایای مهمه بی محتوی در»  
سجلات و وثائق یوز یکریمی تاریخنده عبدالله شبرمه حضرتلری طرفندن احداث  
اولمشدر. مشار الیه تاریخ مذکورده قاضی کوفه بولندقلری زمان واقعات متکثر  
وقضاته مراجعت مزاحم اولدینی جهته حفظ وقایع و احیاء حقوق ایچون بو اصولی وضع  
و تأسیس ایتمک مجبوریست حس ایتمش و تاریخ مذکورده اعتباراً اصول مذکورده مراعات  
اولمشدر.

بین الناس و التجار تعاطی قلنان سندات و مقاولاتک؛ تأمین مقاصد ایده بیلیمی ایچون  
اصول موضوعه سنه مطابق و بالجملة شرائطه موافق اولمی لابد اولدیغندن بونلرک  
تمونه لری ترتیب ایدیله رک مهما امکن تأمین حقوق و عدالته خدمت ایلمک اقتضا ایدر.  
سندات و مقاولات بعضاً افراد اهالی طرفندن تنظیم و تعاطی قلندیفی کبی بعضاً دخی  
رسمیتی اکتساب و وثوق و اعتماد ایتراپ ایچون عاقدین قاضی به بالمراجعة تنظیم  
ایتدیرلر. قاضی طرفندن تنظیم و اعطا قلنان وثیقه مختل اولنجه قاضی خجیل، عاقدین  
متضرر اولور.